

UNIVERZITET U TUZLI raspisuje

KONKURS

za prijem studenata u studentske domove Studentskog centra Univerziteta u Tuzli u akademskoj 2025/2026. godini

I

U akademskoj 2025/2026. godini u studentske domove Studentskog centra Univerziteta u Tuzli (u daljem tekstu Studentski centar) prima se 433 studenta fakulteta/Akademije Univerziteta u Tuzli, na smještaj i ishranu, od čega 428 studenata državljana Bosne i Hercegovine i 5 studenata stranih državljana.

II

Pravo na prijem u studentske domove Studentskog centra imaju redovni studenti fakulteta/Akademije Univerziteta u Tuzli (u daljem tekstu: fakultet) pod sljedećim uslovima:

- da su prvi put upisali prvu, odnosno narednu godinu studija;
- da je mjesto njihovog prebivališta, odnosno boravišta udaljeno od Tuzle više od 15 kilometara.

III

Uz prijavu na konkurs koja se može preuzeti na Web stranici Univerziteta www.untz.ba kandidat je dužan dostaviti sljedeću dokumentaciju:

1. Uvjerenje da je redovan student Univerziteta;
 2. Potvrdu o mjestu prebivališta, odnosno boravišta (CIPS-ov dokument – kopija),
 3. Uvjerenje o prosječnoj ocjeni ostvarenoj u prethodnoj godini studija, odnosno u srednjoj školi za studente prve godine studija;
 4. Uvjerenje o zajedničkom domaćinstvu (kućna lista);
 5. Potvrdu o prosječnoj plaći za svakog zaposlenog člana užeg porodičnog domaćinstva ostvarenoj u posljednja tri mjeseca, odnosno ovjerenu fotokopiju tri zadnja čeka za svakog člana užeg porodičnog domaćinstva koji primaju penziju;
 6. Uvjerenje za članove užeg porodičnog domaćinstva koji se nalaze na evidenciji Zavoda za zapošljavanje;
- Prioritet u smještaju u studentske domove tokom redovnog studiranja imaju studenti koji pripadaju kategoriji lica iz člana 21. Zakona o dopunskim pravima boraca – branitelja i članovima njihovih porodica (drugi prečišćeni tekst) („Službene novine TK“, broj: 10/20, 14/22 i 9/23) a koji su to pravo ostvarili na području Tuzlanskog kantona, pod uslovom da uz prijavu na konkurs dostave uvjerenje nadležnog organa o pripadnosti toj kategoriji.

IV

Komisija za prijem studenata u studentske domove utvrđuje Rang listu prijavljenih kandidata, objavljuje prijedlog Rang liste, razmatra prigovore na istu, te utvrđuje i objavljuje konačnu Rang listu, koja predstavlja osnov za prijem u domove Studentskog centra.

Uslovi za prijem u studentske domove, kriteriji za prijem, postupak i organi za prijem studenata u studentske domove, rangiranje kandidata, troškovi smještaja i druga pitanja bliže su utvrđeni Pravilnikom o uslovima, kriterijima i postupku prijema u studentske domove Studentskog centra Univerziteta u Tuzli broj: 04-4662-2/18 od 04.09.2018. godine, broj: 04-1470-1-4/23 od 15.03.2023. godine i broj: 04-2173-1-1.1/25 od 11.04.2025. godine kao i nadležnog organa Univerziteta. Prijedlog Rang liste biti će objavljen 25.09.2025. godine na oglasnoj ploči Studentskog centra i na web stranici Univerziteta u Tuzli www.untz.ba.

Na objavljeni prijedlog Rang liste kandidati mogu uložiti pismeni prigovor u roku od 3 dana od dana objavljivanja iste, lično na adresu UNIVERZITET U TUZLI, STUDENTSKI CENTAR, Ul. Muhameda Hevajia Uskufija br.7., 75000 TUZLA, Komisija za prijem studenata u studentske domove, putem tehničkog sekretara. Konačna Rang lista biti će objavljena 30.09.2025. godine na oglasnoj ploči Studentskog centra i na web stranici Univerziteta u Tuzli www.untz.ba.

V

Komisija za prijem studenata u studentske domove utvrđuje kriterije raspodjele smještajnih kapaciteta, način, uslove i dinamiku useljavanja studenata u studentske domove.

VI

Student koristi Studentski dom od dana zaključivanja Ugovora (01.10.) tekuće godine do isteka junsko-julskog ispitnog roka, odnosno do 15.07. tekuće akademske godine, do kada je dužan u cjelosti izmiriti svoje obaveze prema Studentskom centru.

Međusobna prava i obaveze između Studentskog centra Univerziteta u Tuzli kao davaoca usluga i studenata kao korisnika usluga bliže se regulišu ugovorom koji se zaključuje u pismenoj formi.

VII

Studenti viših studijskih godina u obavezi su najkasnije do 15.10. tekuće godine priložiti uvjerenje fakulteta o upisu u narednu akademsku godinu, a u suprotnom gube pravo na smještaj.

VIII

Student kojem je u tekućoj akademskoj godini izrečena disciplinska mjera isključenja sa fakulteta ili iz studentskog doma nema prava učešća na konkursu.

Student koji do dana objavljivanja ovog konkursa nije izmirio svoje ugovorne obaveze iz tekuće i prethodnih akademskih godina prema Studentskom centru nema pravo učešća na konkursu.

IX

Prijave na konkurs, sa potrebnom dokumentacijom podnose se u roku od 15 dana od dana njegovog objavljivanja u sredstvima javnog informisanja, a iste se mogu dostaviti lično ili putem pošte na adresu:

UNIVERZITET U TUZLI, STUDENTSKI CENTAR, Ul. Muhameda Hevajia Uskufija br.7., 75000 TUZLA, Komisiji za prijem studenata u studentske domove, putem tehničkog sekretara.

Kontakt Tel/fax: 035/252-208 ili 035/275-534

X

Neblagovremene i nepotpune prijave ne uzimaju se u razmatranje.